


L'ESSOR FASO KUMAKAN

SIBIRIDON, FEBURUYE KALO TILE 9, SAN 1985

— Peresidan — ka nyogonye



mogô don ani Moritani kèlebo low bée la jelen kuntigi, a mara n'a ka jamana kuntigi ka sèbèn na fama dô ye, k'a lase peresidan Musa TARAWELE ma.


Kumanyogonye sen fè zenerali Musa TARAWELE n'a ka dunan kérèn kérènné da sera. Mali ni Moritani ka teriya ni badenya jekabaara ni nyogondémè ma, ani bolodi nyogonma walew sinsini an ka mara jamaw ni nyogon cè, ani cèsiri min bë ka kè sisan Magèrèbu larabu jamanaw ka kelenya sabatili la ani sahra tilebiyanfan konyèw nyénaboli bëni ni hère ni damakènye ni nyogonbonya kònò.

Nyogonye in kéra "UDPM" nyefè tòn kòkan kow nyénabobaga Mohamedun Agi HAMANI nyè na, ani jamana kuntigiso sekeretèri zenerali Mohamèdi Aluseyini TURE ani Moritani lasigiden sasi Uludi GIGI.

Mali kelenya pariti "UDPM" sekeretèri zenerali ni jamana kuntigi zenerali Musa TARAWELE ye Moritani jamana kuntigi Mohamèdi Uludi TAYA ka ciden dô bisimila kalana, taratodon, Zanwuye kalo tile 29, san 1985, su fè, a ka taama sen fè an ka jamana mara saban kònò, n'o ye Sikaso ye.

Kolonèli Amadou Uludi ABUDALA, sòrò dasi jekulu min bë fangala Moritani, n'o

Zenerali Musa TARAWELE ka taama Sikaso mara kònò



K'a ta san 1985 Zanwuye kalo tile 28 na, k'a bila a Fewuruye kalo tile 5 la, Mali jamana fangaso kuntigi ani Pariti "UDPM" sekeretèri zenerali, Peresidan Musa TARAWELE ni nyemogó caman wèrewye taama kë Sikaso mara sèkisònw bée lajelen kònò, i n'a fô Yanfolila, Kalana, Buguni, Kôlénjèba, kajolo, Yoroso, Ku cala ani Sikaso dugu yèrè kònò.

Peresidan Musa TARAWELE n'a nòkan mogow taara dugu o dugu kònò, nyemogolajekera o kelen-kelen bée kònò, min sen fè wale kelenw dantigèra pariti hukumu kònò, k'a nyèsin hadamadenyako, sòròko ni nafako, ani seko ni dònko ma.

O kunnaфони walew lamènna, k'u jaabi Peresidan Musa TARAWELE fè, min ka kumaw nyèsinna bëni ni kelenya ani fèerèjutigèw ma, walasa ja ko ni jakóngoko n'u masibaw tòoròw bë lasegin kò, cogo min

(a tò bë nyè 2 la)

Zenerali Amadou Baba JARA ka nyogonye

Jumadon, Fewuruye kalo tile fòlò, san 1985, Mali kelenya pariti "UDPM" sekeretèri zenerali dankan ni fangaso minisiri min nyèsinnen don jamana baara fèerèw bolodali ma, zenerali Amadou Baba JARA ye Afiriki tilébinyanfan sòròkè tònba "CEDEAO" jekulu dô bisimila, min nyemogoya tun bë tònba in kow nyenabobaga Momodu MUNU bolo, Mali jamana kuntigi zenerali Musa TARAWELE tògò la. Sèbèn fila minnu tun bë MUNU bolo k'u lase zenerali Musa

TARAWELE ma, a fòlò cibaga ye kolonèli Lansana KONTE ye, min bë "CEDEAO" nyemogoya la sisan, ni Gine jamana peresidan don; sèbèn filanan cira saralon peresidan Siyaka SITEWEN fè an ka jamana kuntigi ma.

"CEDEAO" kow nyenabobaga ye tòn hanankobaw perepere latigè an ka jamana kuntigi nònabilo ye, ka tila ka Mali nyemogow fo bonya ani karama kòsón, ale n'a ka jekulu kuhbènna ni min ye Malidénw fè.


Zenerali Amadou Baba JARA ye zenerali

Musa TARAWELE ka foli ci don "CEDEAO" kow nyenabobaga da, a k'a lase a teriw n'a badenw ma, n'olu ye Gine ani saralon jamana kuntigiy ye.

Nyogonye in kéra fangaso minisiri Umaru KULUBALI nyè na, min nyèsinnen don foroba ciyakédaw ma, n'ale tun bë an ka nafolokow minisiri nò na kénè in kan, ani jamana kuntigiso sekeretèri zenerali dankan Mamadou FOFANA, ani jamana kuntigi laadi baga sòrò konyèw la, n'o ye Nazimi Uludi HAMADI ye.



Peresidan Musa TARAWELE ka taama Sikaso mara kònò



na, jamanadenw ka nyögondèmè ni yèrèdèmè baaraw hukumu kònò.

Mali jamana fangaso kuntigi y'a jira, a' ka taama in sen fè, ko Mali maraw sòrôw dakènyèlen tè, bawo, dòw bë nèemayòròw la, ka tèmè dòw kan. O de kòson, a y'a nyini Sikaso mara duguw fè, olu minnu bë nèemayòròw la, u k'u jòyòrò jira baloko gèleya waati in na, k'a d'a kan, bée y'a dòn ko Sikaso mara ka sòrô bë Sikasokow bò, fo k'a tè camanba lase mara tòoròlenw kònò.

Peresidan k'o wélekan bilalen kò, Sikasokow ma, a ye laadilikian caman fò dugu kelen-kelen bée mógòw ye, k'a jira ko Mali jamana tè bò nògò la, Malidenw yèrèw kò; ko foyi tè bolomadèmèko bò, i n'a f'a basigilen bë Mali kònò sisan cogo min na; ko Sikasokow dònne bë tasumadon-ko la cogo min na, min ye kungow naga-sili ni jiriw silatunun walew ye, k'o ka kan ka dabila, wa-lasa sanjiko bë se ka basigi, bawo, ko jiriw de bë nèema

wele, wa, ko nèema de bë sanjiko wele. Taama in sen fè, sèkisón ngana kelen farala tòw kan, n'o ye Kajolo sèkisón ye, min dònne bë n'a ka yèrèdèmè fèrèkow ye, sènèko sira kan. O cogo kelen na, Sikaso mara dugubèe lajèlen kelen-kelen fora, k'u walenyumandò, u ka labènko n'u ka faso-baarako la, minnu bë jamana nyémogòw nisondiya, gèleya waati, n'olu yèrèw de kèra Peresidan ka taama in latigèli sababu ye.




sòrôdasiw ka farikolokènèya nyögondan 3 nan

Taratadon, zanwuye kalo tile 22, san 1985, Mali lakanali fangabolow, n'o ye sòrôdasikuluw ye, olu ka farikolo kènèya nyögondan, min kèra tile 15 hakè kònò, o gintanw kuncèra Kati Kolonèli Abudulayi WOLOGEMU ka nyémogòya kònò, n'o ye fangaso lakanaliso minisiri ka sòrôdasikow nyènabòyòrò kuntigi ye.

Nyögondan in kèra lakanali fangabolow kuntigiw ani jamana wèrèw sòrôdasibolo nyémogò caman nyè

ko walew bòra a sira fè; ko jaabiw nyèra k'a d'a kan, farikolo nyèmajèlaw bée y'u seko kë, sira bée kan, i n'a fò balòtan; sennaboli; bolokurunkèlè; panni, bololabalontan suguya bée ani wale wèrèw, minnu bë jate farikolo kènèyakow ye, sòrôdasiw fè.

A kèra cogo o cogo, jamana lakanali fangabolow nyémogòw ka ciden, n'o ye Kolonèli Abudulayi WOLOGEMU ye, min kumara Peresidan Musa TARAWELE ani lakamali



na. A jirala, a kuncè don, ko nim y'a sinyè 3 nan de ye Mali sòrôdasiw ka nyögòn kumbèn, farikolo kènèyako sira kan; ko nyènajè in n'a nyögònnaw de bë kalanjè ani hadamadenya dafa; k'ale de sababu la, sòrôdasiw bë kamali nyögònnaw ka bò jamana fan bée kònò, walasa u ka nyögòn dòn, ka kè nyögòn fè, ka kè kulu barikama kelen ye.

Min y'a labènniko n'a latèmècogo ye, Kolonèli WOLOGEMU y'a jira k'olu kèra nisondiyako ani wåsako ye, bawo, ko nyögondannaw cayara;

fangabolow tògò la, o y'a ka foli mi walenyumandò l a s e nyènajèkèlaw ma, k'a jira ko nim wale n'a nyögònnaw de bë kow latèmèli diya don sòrôdasi jèkulaw kuntigi la.

Jaabi min bòra sòrôdasiw ka farikolo kènèya nyögondan 3 nan in kènè kan, o y'a jira ko jèkulaw mim ye nyèsòrô a kow bée la k'o kèra duguma fangabolo sòrôdasiw ye; ko filanan kèra sanfè fangabolo sòrôdasiw ye; sabanan kèra santaramaw ye; aninan kèra gari-diw ye; duurunan kèra polisiw ye.